

同里志卷之十二

人物志三

科貢

科貢士子進身之階也然或傲岸不肯折腰或時
會阻於積薪弗登仕版者多有之矣雖功業不顯
於世而德行可尊於里者當表之志科貢

凌昌

王寵

任之重

兄秀之之
俊

顧曾璘

沈志英

錢琳

陳紹文

嚴振先

陸瑤

陳銳

子沂配孫士載

陳鏗

孫士任士
寧曾孫毓

咸元孫兆牧兆駮

吳祖彬

同里志

卷十二

科貢

一

王文沂

王棣

朱洪斌

陳士醇

陳時彥

俞韓

顧我鈞

陸凱

吳濂

父洙

王堡

許金堦

袁益之

王承愷

顧汝敬

明

凌昌字正卿家世業儒性聰慧強記尤邃於書微詞奧
義多所發明從元儒潘如珪遊至正間舉於鄉會道
阻遂不就試以圖史自娛為文章汪洋而明潔放言
極論一歸於理洪武十二年舉明經授縣學訓導遷
太平教授卒於官

按先哲志云承部檄分教邑庠仍
薦之當路未及祿位而卒蓋教職

猶未授職故云 所著有儀古集 參先哲志 邑志 獻集

王寵字履仁更字履吉號雅宜山人守弟資性明敏少與兄同學於蔡羽居洞庭三年既而居石湖之上又二十年非歲時省視不至家遂於書無所不窺文藝無所不能為人蘊藉自將溫淳恬曠與物無競所最相善者文徵明唐寅而知府胡纘宗亦深器重之嘗有人持千金欲得其一言於纘宗寵不顧麾之人有尤焉寵謝曰人所為重寵者能潔修耳使自污將見輕而又因以為利耶其有守如此寵才名過其兄兄早貴致身華要而寵八試棘闈不利僅以年資貢太學竟齋志以卒年方四十所著有文集四 沈志 二 十卷

同里志 卷十一 科貢

二

詩刻尚風骨擺脫輕靡書體適秀妙得晉法與祝允

明齊名

按明史寵傳但云行楷得晉法書無所不觀而不詳其詩 參獻集 邑志 續先哲志 列朝

詩集

任之重字道村孜子少英特不凡補吳邑諸生尋以歲貢入太學嘉靖癸甲間倭寇入犯蘇松之重素精壬遁韜鈴之學遂偕兄秀之之俊參贊軍務屢獲戰功泊寇平上憲欲題授以官不就而卒所著有六壬舉

要文集八卷

見任氏譜傳

顧曾璘字元玉號華陽萬曆元年亞魁嘗從袁了凡游以致知力行為務博稽聖籍著述滿家兼精岐黃置

祭田立義冢殆所謂文行並美者歟

本續先哲志 下二傳同

沈志英字見吾號劍虹與故相國周道登同貢入太學相國雅重其文行敬禮之其後嗣丹泉以醫名於里錢琳字仲雍崇禎三年舉於浙江出黃道周之門本居一治城遷居樵李中年復遷同里爲人坦衷雅量不立城府性至孝孺慕終身每言及父輒潛然涕下斗粟之儲必減以給兄子或勸之仕曰吾性不任衣冠且爲五斗米折腰獨陶元亮恥之耶庭多蒔花花開邀知己共醉猶有晉人風格子聖域秀水諸生相繼而沒

陳紹文字西美王道曾孫九齡失怙執喪哀毀如成人博涉書史爲詩文敏捷如不注思年二十中崇禎十

同里志

卷十一

科貢

三

二年鄉試嘗言士生今日先明出處不能爲謝東山則爲申屠蟠耳明亡遂絕意進取閉門課子遂於濂洛之學著有後沙語錄所輯有宋元明諸儒心學指要年六十餘卒

本續先哲志邑志

大清

嚴振先字蜚侯明廩生 國朝貢入太學高蹈不赴廣文之選簞瓢屢空晏如也爲人恂恂退讓厚重簡默一介不取於人昆季皆皈依三寶振先尤近於禪說得念佛三昧其逝也異香滿室八大菩薩乘空而來

迎焉

本續先哲志

陸瑤字斗光號雪崖邑廩生康熙辛亥貢入太學爲諸

生時試輒高等數奇不遇韋布終身沒後聲光猶籍籍人口知士之不朽者固在此而不在彼也所著有東江集子永傳字萊逸邑諸生授徒講學能世其業及門之士多成名者爲人忠厚愷悌惜年老無子年八十四貧困以卒所著有漱玉軒偶吟

本采錄同里先哲志

陳銳字穎長號軼庭紹文長子康熙戊辰進士與弟鏗

務實學敦士行世以經師人師相推所謂二陳先生是也五十後始獲一第沉潛嗜學於經史及二通諸書皆丹黃甲乙未嘗頃刻離也國初制義承明季之習怪詭不經銳與鏗力宗先正選刻程墨皆醇百篇風行海內文體田此稍變既久困場屋遂肆力於古

同里志

卷十一

科貢

四

文辭亦竝有聲所著有泰阿焚餘藁子沂配字艾山號息存邑諸生嘗從父銳授經於徐司寇健菴家時司寇纂修一統志開局於洞庭西山四方名士俱集沂配得與諸前輩相接洽聞廣見故所作詩文皆有宗法諸先輩皆爲歎賞所著有息存遺藁孫士載字勗張號梅軒縣學生性剛直人有過必正言相規朋輩敬憚之其繩督子弟有太邱家法常嘯歌自適所居後圃有老梅數株花時邀二三同好觴咏其下後得瘵疾卒所著有梅軒詩草曾孫毓良字傳野號晴巖縣學生幼穎敏所讀經史諸書能背誦不遺一字爲詩文劇敏捷過人中年客授濟南卒於寓舍

參邑志詩

徵下一
傳同

陳鏐字霜赤號廉泉銳弟康熙庚申舉明經少與兄銳
竝以文章負海內宿望後母喪哀毀以沒世尤重之
所著有課花齋詩鈔子沂震載仕宦傳孫士任士寧
士任字彥仲雍正癸卯恩科舉人士寧字安叔康熙
庚子副貢士任次子毓升載文學傳士寧子毓咸字
受之號芝房嘉慶丙辰進士授國子監學正亦邃於
詩古所著有紅樹莊詩鈔毓升長子兆牧字覲岳號
春帆歲貢生亦能詩文著有語花居詩稟次子兆駉
字駕千號謹莊乾隆甲午舉人選授宿松教諭未任
卒兆牧子興瑞字賦蓉早歲能文弱冠游庠沉潛力

同里志

卷十一 科貢

五

學惜早卒

吳祖彬

榜姓
金

字謙六瑞徵曾孫康熙甲子舉人十上公

車不第而中人之產盡矣其沒也陳沂震哭以詩曰
無多負郭頻書券強半消磨爲蹇驢蓋紀實也

見詩
徵

王文沂字映薇邑諸生謂子生有異質少孤事母盡孝
敬事伯仲兩兄如嚴師沉潛力學郡試冠軍補郡諸
生旋登辛卯賢書三上公車累薦不售坦然無介意
益肆力於諸書辛丑會試因母疾不果母促之始行
場後聞訃奔喪終身飲恨服闋後值計偕無心北上
或勸以顯揚爲孝乃入都卒於邸舍年三十七士人

惜之

本周俊
齊撰傳

王棣

陳 榜 姓

字偉岳少孤與兄植奮志嚮學俱列膠庠兄

早沒撫孤姪如己子康熙丁酉與姪錫同魁浙榜生平親親睦族繼兄之志為通族積貯做范文正義莊故事其他獎勸後學經紀善事一以公道主持所著

有偉岳文集

本顯我 錡撰傳

朱洪斌字文蔚援例入邑庠歲貢入太學品行端方書

法顏魯公筆意閉戶講經論文盡得陳紹文法從游

甚眾焉父厚甫明參同契丹成九轉聞空中有子孫

孫氏傳之句後數年果應其言

見意中 山房集

陳士醇字子大號蓼莊沂震姪雍正癸卯恩科舉人二

歲父沒於滄州旅次未繪像及長延畫史諮伯叔戚

屬追摹遺照歲時展祀極誠為人氣度冲和無疾言

同里志

卷十一

科貢

六

遽色其舉於鄉也出漢陽徐正峯之門繼徐公調任

江邑士醇終年不履公庭及擢守蘇郡曾無片紙竿

牘而座主北平黃公叔琳罷職浙撫寓吳門士醇時

往謁修弟子禮不懈其於炎涼間因異於翟公之客

矣

見詩 徵

王時彥字俊求號莘耕文沂弟神姿清澈少穎敏嗜學

髻年孤露事母以孝聞事伯仲二兄惟恭謹偕叔兄

下帷攻苦早入鬢序雍正己酉舉於鄉遇親舊恩義

有加外舅歿迎養外母終其身喪葬盡禮鄉里高其

誼目為真孝廉卒年四十二以孫錕貴 誥贈通議

大夫

本周 齊 撰傳

俞韓

榜姓
沈

字石洲其先歛籍與其兄武班弟武琛俱以

商籍遊仁和縣庠韓爲人恂恂退讓攻帖括嘗寓居虎邱山房三年不出戶外故始遷同里人罕識之庚子中浙榜雍正癸卯登恩科進士乙巳授江南鞏縣知縣未任卒於京邸武琛字再莘文行一如其兄雍

正乙卯舉人乾隆丁巳成進士

本吳洙增
輯先哲志

顧我鈞字陶元號髮千乾隆甲子經魁方爲諸生時已名噪大江南北弟子著錄者數百人其在京師也館於秦大司寇蕙田邸第秦公奉命修五禮通考因預參校焉生平著述甚富識者謂春秋去鑿一書棄瑕取瑜亦集狐成腋爲從來說春秋家所未有惜自

同里志

卷十一 科貢

七

襄公以下猶未竣事也已刻者律賦彙鈔髮千訂課松陵耆舊集勤補堂文稿等書行世子後藝字器先少孤能讀父書弱冠卽爲諸生早卒無子人共惜之

本顧汝
敬志稟

陸凱字舜揚本邑之東濠人因爲里中顧蓋臣壻遂居同里雍正甲辰副貢精於制義居鄉教授從遊者多掇科名里中王錫王時彥顧我錡周脊皆其高弟也著四書制藝選授海門教諭未任卒士林惜之子鴻

業以一衿終

本顧我
錡撰跋

吳濂字淳發號臞菴通經學古弟子甚衆周元理兄弟其尤也姚世榮督學江西聘佐文幕掌教豫章書院

立學規造就來學士風丕變所選制義是程諸集海
內風行以歲貢入太學卒年七十六弟洙字泗傳名
諸生著有增輯同里先哲志吳叔子集

史乘長
撰墓誌

王堡字連城號素亭時彥子少孤爲世父撫養穎敏過
人讀書目數行下成童卽熟經史諸書嘗見僧徒誦
大悲咒僉云梵語難識堡受持一過誦無遺字僧衆
大驚弱冠補邑諸生從海鹽進士吳名懋政遊工制
舉義刊落浮華一歸雅正淮南太史阮名學濬稱其
文有慕廬先生風格著有素亭制義行世乾隆丙子
舉於鄉再試禮闈薦而被落卒年三十三以嗣出子

錕貴

馳贈奉政大夫

本阮學
濬撰傳

同里志

卷十一

科貢

八

許金堦字觀韓性聰慧博聞強記遂於書無所不窺乾

隆庚子舉於鄉未赴春闈而卒

本顧汝
敬志稟

袁益之字扶九號竹軒歲貢生少承其父棟家學藏書
萬卷披尋畧遍作爲文章鎔經鑄史淺學莫窺其底
蘊族弟景輅舉竹溪七子詩社益之爲首沈文愨公
亟稱之生平以禮法自持造就必軌於正戚友皆嚴
憚之長子志讓字遺安幼秉夙慧讀書過目成誦卒
年僅十五詩文便已驚人有詩選入松陵詩徵

本袁
譜傳

王承愷字昆表號爽亭資性明敏能文章博通經籍爲
名諸生試輒高等食餼於府庠秋闈屢薦不售貢入
太學居家教授一時名士皆從之游晚遊京師不久

卽歸仍家居教授兄弟一堂同享高壽有怡怡之樂云

顧汝敬

原名汝龍

字配京號蔚雲博涉書史爲諸生邃於詩

文試輒高等廩於庠乾隆乙巳貢人太學嘉慶甲子

欽賜舉人著有同里志彙子兆曾字鶴齡號恂堂

少穎敏弱冠卽遊庠明年以科試第一食餼戊申以

魁薦不獲售工畫山水得張棟指授仿王原祁筆能

神肖識者珍之著有五經疑恂堂詩草元明畫歸類

姓錄等書

同里志

卷十一

科貢

九